



## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCCCCXLVII. ad annum MDXXVII.

**Parisiis, 1644**

XXV. De honestate clericorum obseruanda in incessu, conuersatione cum laicis, in euitatione chorearum, & actionis ludorum scenicorum.

**urn:nbn:de:hbz:466:1-15644**

In incessu quoque honestatem exhibeant , vt grauitate itineris , mentis maturitatem ostendant. Incompositio enim corporis, risus dissolutus, indecens oculorum vagatio, inæqualitatem indicant mentis.

In conuersatione autem cum laicis ita se habeant , vt neque ex nimia familiaritate , aut conuersatione æuali, reddatur contemptus dignitatis: neque ex nimia austernitate , fastu aut pompa , superbi aut plus æquo elati iudicentur.

Qui ludii a  
clericis sunt  
vitandi. Neque in publico ludant pila , aut aliis ludis , maxime cum laicis. A ludo alearum , aliiisque, qui a sorte pendent, abstineant : neque ludentium fautores , spectatores , aut testes existant.

Non se admisceant choreis publicis , tripudiationibus , aut saltationibus: non turpes , amatorias , aut lasciuas depromant cantilenas , seu cantantibus faueant aut adsint.

Non in scenam velut histriones prodeant , non comœdias vernaculae agant : non spectaculum corporis sui faciant in publico priuatove loco.

Quæ omnia cum omnibus sacerdotibus sunt indecora , & ordini clericali multum detrahentia , tum illis præcipue, quibus animarum cura est commissa.

XXVI.

Incontinentes sacerdotes , & concubinarios clericos, episcopi per se vel suis officiales ad continentiam & ecclesiæ regulam remediis conuenientibus reuocabunt. Salutares poenæ , iuxta sanctorum patrum decreta , & sacrorum ac generalium Conciliorum Canones, in illos ( si moniti non desistant ) exequentur.

Contra clericos venatores , vel negotiis sæcularibus implicitos , si a venandi negotiandive consuetudine moniti non desistant , ad poenam Aurelianensis Concilii & alterius Lateranensis procedetur.

XXVII.

Et cum sacrum Viennense Concilium statuerit , vt monachi in suis sibi commissis administrationibus vel prioratibus non præsumant soli habitare, sed si prouentus prioratum vel administrationum huiusmodi forte non suppetant, duobus aliis vicinioribus locis , ad eorum monasteria